

乾隆杭州府志

山川

九

餘杭縣

安樂山

在餘杭縣東三里相傳吳越王之子于此築菴

養疾而愈故名其麓爲桃源山

大清一統志

山高一百五十

丈周迴五里

咸淳志

舊名獅子山以形相似也

嘉靖餘杭縣志蘇軾過

安樂山關山上木葉有文如道士篆符云此山乃張道陵所寓詩天師化去知何在玉印相傳世共珍故國子孫今尚死滿山秋葉豈能神又重過安樂山詩真人已不死外慕隙空虛猶餘好名意滿樹寫天書

桃源山

在安樂山麓高二十丈旁有水源流五里許舊

通官河山多桃花故名

成化舊志王路桃源山詩秦焯通天無處避淵明託意桃源記不

知卽屬此空山中有高人日往還不見當年陳進士終南
靈遇傳野史漫將竹葉幻爲舟忽到桃源古渡頭桃源游
潺流不舍此後
何人問津者

馬鞍山 在縣東五里高一百三十丈以形而名

成化一
舊志

名玉几山

古今圖書集成職方典

按明嘉靖時王確縣志謂此山在縣南八里與成化志
不同而其敘山篇又有安樂馬鞍伏縣東水口之語据
元郭翼咏鳳凰山石自注云在馬鞍山北鳳凰在縣東
南五里則山當在東南界矣

舍亭山 王裕之居餘杭之舍亭山林澗環周備登臨之
美故時人謂之王東山元嘉二十四年裕之薨年八十八

其孫秀之營理山宅有終焉之志及除吳興郡守隱業所
在心願爲之到郡修舊山移置輜重

南史王裕之傳

按裕之居舍亭山時人謂之王東山似在餘杭縣之東
咸淳志載裕之墓在縣東二十五里舊縣志不及此山
今因據史傳補入

鳳凰山 在縣東南五里奇石森立澗水回環

大清一統志

舊曰鳳凰墩高三十丈周二里形似鳳故名舊有東岳行
祠

成化舊志

岳祠旁有山曰鳳凰壁立瑰怪葛仙丹竈據其上

下可羅坐數人

大滌洞天記

古木葱鬱秀出諸峯南接稽亭青

嶂旁支小隴若斷而續直抵錢塘與龍門山相接古所稱

龍飛鳳舞此其地也

嘉靖餘杭縣志

墩下流水百餘折遇山水驟

發聲如洑雷澗之中爲嶽潭乃一邑之勝也

舊志

鳳凰石詩天

星墜爲鳳垂浪耀靈景獨立白玉岡如在赤霄頂磔磔丹
六開磅薄翠嶼並渾渾玉在璞庚庚金出礦寧支織女機
孰作補天餅負負力擁腫或病瘦蜀國雄八陣周象
重九鼎鯨駭昆明池蓮表泰華井來儀欲巢閣覽德久延
頭架海功莫神沈鄂恐未醒山花雜五色祥雲覆千頃金
鵲徒爲瑞雨燕漫飛影鐵厓鐵作心吐句何奇警寄語山
中人詩法
當造請

按此山或謂之墩或謂之阜成化志云高三十丈萬歷

志云高一百九十丈舊縣志山與墩前後兩載

蕭王臺山

在縣東南十里上有蕭王并碧霞元君廟

餘杭

縣志

釋懷月寒食遊蕭王臺詩碧湖蒼嶺望中分響
入松林天外開獨有旒旌留帝子禁烟春冷銀深雲

宋家山 在縣東南十三里高五十丈周十里其山前多

姓宋者

成化舊志

縣東南護國宋家等山皆平地突起遠近錯

峙雖不聯屬然諸水環繞風氣完固

嘉靖餘杭縣志

斷山 在縣西南一十四里高二十丈周迴五里其山無

岡壟相接故名俗呼爲禪山

咸淳志

自宋家山東南一里爲

禪山

萬歷舊志

按以斷爲禪音之訛也縣志反云禪山俗呼斷山誤山

與宋家山相望咸淳志作西南乃東字之訛

文山 在縣南二里

餘杭縣志

南湖山 在縣南五里舊志隱士郭文舉伏虎于此常出

縣市藥歸晚則虎嘯唐縣令盧鵬創亭于山頂曰嘯亭亦

曰南亭或呼爲鼈亭則聲之訛也

成化舊志

山下澗石奇怪流

水潺湲

大滌洞天記

李長房遊南湖山詩我愛南湖山

往漁唱隔烟水日飲南市漿選釣南湖鯉白雲天外來

鳥林間止峯前自古今萬慮隨心死慷慨懷昔人胡爲狎

虎兇千載餘空亭日暮松風起

稽亭山

在縣南九里高九十丈周迴七里山頂舊有亭

相傳秦皇東游至此登以望會稽故名稽亭亭基猶存

咸

志

姥山

在縣南十里高六十丈其左爲公山

萬歷舊志

洞霄以

東有姥公二山如雌雄相並

餘杭縣志

唐苑山 在縣南十三里高三十丈

成化書志

白泥山 舊白泥山在縣南一十四里新白泥山在縣西

南一十二里山土純白所謂白土石是也居民皆採取以

市利

餘杭縣志

岑山 在縣南一十五里高三十五丈周廻四里

咸淳志

吳

步兵校尉諸葛起字岑世居山旁宗族蕃盛並皆葬于此

因號岑山

餘杭土風記

九隆山 在縣南十八里高九十丈周十五里九峯聳拔

林木鬱茂山下多危石流泉遠注山口又有巨石橫互路

旁若屏障然

古今圖書集成職方典

按方輿紀要作九龍山

長嶺山 在縣南二十二里高一百五十五丈周廻九里

有嶺崎嶇綿邈旁多頑石有流水冬夏不竭

成化
舊志

由拳山 在縣南晉書郭文辭家入餘杭大辟山中卽此

舊志云去縣二十五里一名郭公山

大清一統
志

餘杭縣有

由拳山

隋書地
理志

浙江又東逕餘杭故縣縣南有大壁山郭

文自陸渾遷居也

水經
注

郭文步擔入吳興餘杭大辟山中

晉書隱
逸傳

大辟山本名餘杭山一名由拳山高峻爲最

太平
御覽

引郡
國志

由拳山本餘杭山也山謙之吳興記云晉隱士郭文

因王敦作亂逸歸入此處

太平
山記

山在縣南二十六里高

一百八十丈九尺周廻一十五里按搜神記由拳卽嘉興縣吳大帝時縣人郭暨猷自由拳來隱此因以爲名又晉郭文亦隱此山

咸淳志

自臨安而東南由此可達富陽

讀史方輿

紀要

按寰宇記由拳山大辟山兩載而山拳下仍云一名大辟山蓋其分乃偶誤也浙江通志云大滌山舊名大辟唐後易爲大滌攷前志未有此說不知所本

青障山 在縣南三十里高二百五十丈周廻三十里四面林木鬱茂青若屏障

咸淳志

郡國志云青障山高峻爲最

在縣南十八里

太平寰宇記

按郡國志文寰字記引註由拳山下蓋二山相去無幾
當時原統爲一山也所云去縣道里與咸淳志不同各
據其時縣治言之耳

五朝山

在縣南三十里五峯聯絡端聳若朝拱然

餘杭縣志

金鵝山

餘杭縣有金鵝山

隋書地理志

山鳴則縣出貴人

咸

志引郡國志

山鳴卽縣有貴人寓止古防風氏封此山下有風

渚

神州古史攷引郡國志

山旁支隴直抵錢塘與龍門山相接

萬曆舊志

釋承頤金鵝晚眺詩天仙野曠樹深盡入金鵝望眼
中青障月生雙雁去碧溪雲晚亂帆通半篙落照沉烟墅
一陣寒鴉噪暝叢歲月飛騰
吾懶矣昏鐘迢遞起秋宮

按此山道里各志未詳成化志直云今莫攷所自惟縣

志載于稽亭青障之下謂其南抵錢塘證以永頤詩似爲得之因載于此

大滌山 在縣西南十八里與臨安縣分界高六百九十

餘丈周五十里有大滌樓眞石室白茆歸雲鳴鳳蛻龍諸

洞丹泉翠蛟撫掌桃花洗藥飛玉諸泉 大清一統志 第三十

四洞名大滌元蓋之天周廻百里內有日月分精金堂玉

室仙官攷杖災祥之所姜眞人主之與華陽林屋邃道往

來 茅君傳 或言此山清幽大可洗滌塵心故名 咸淳志 山凡四

峯九鎖最爲巨西洞據其嶺石室出其半天壇冠其巔皆

勝處也舊志謂大可洗濯塵心故名大滌雖山川得名未

必咸有說而故老相傳當不誣也

大滌洞天記
大滌山詩
天壇絕頂山

秀髯翠微間跡久苔紋碎雲深古木開丹成人已去鶴獨

未曾還猶有簫吹響時時下舊山上官辰遊大滌山詩

山蟠蓋足雲千丈溪折羊腸路九迴神骨肯穿秦斧鑿古

壇會見漢樓臺秋山風雨銀河下月夜笙簫玉佩來山自

青青泉自潔百年蹤跡幾蒼苔蓋經大滌洞天詩暇日

尋幽入洞霄攀蘿捫石自忘勞地環九鎖仙都闕山倚一

峯天柱高夜靜仙人吹鳳笛月明帝子下雲旌佩環寂寂

中庭曉時有胎禽噉九舉程俱遊大滌山詩太湖隱吏

疎且頑手板柱頰看西山筆床茶竈向何許往來洞庭林

屋間側聞餘杭隱大滌故整烟篋尋茗川相從喜得二妙

士金庭老客南昌仙早行不憚踏曉月逸思自覺奔春泉

岡迴澗轉若無路但見老翠漫秋烟中峯一柱萬山表勢

與太華爭擎天神仙古洞絕壁下蓬萊別館青雲問天壇
無人石室冷借問白鶴何時還人生但爲形體累會當去
之如蛻蟬金庭客南昌仙他時待我乘八景舉手少別三
千年魯有開遊大滌山詩馬蹄清曉破瓊田一出紅塵
骨已仙任鎖九重山下路終尋五處洞中天泉流碧砌長
鳴玉跡隱蒼崖久蛻蟬人世歸時知變否樵夫曾記爛柯

年林景熙大滌山詩肥馬輕裘到此難名標九鎖翠微
問天開洞府幾千載地隔風塵此一闕謝辰空隣送雁空
蘇詩不是夢廬山他生修得清緣在擬扣金堂覓大還
周密送張仲寔遊大滌洞天詩玉室金堂積翠邊舊遊猶
記劫灰前禽聲夜傳千年藥花片春浮九鎖泉洞府賄通
滄海路樓居何異化城仙茶香筍美松醪熟正好山中過
烟禁

九鎖山 洞霄宮自皖坎鎮度溪行十數里有山迴環中

通小徑自山竦而入則有田疇稍前亦復亂峯交鑠如是

九疊始上陟平陸而宮居其陽世謂其山爲鑠云蘇詩注其

勢九折縈紆相續曰天關曰藏雲曰飛鸞曰凌虛曰通真

曰龍吟曰洞微曰雲璈曰朝元四峙山花爛漫清芬襲人

下有石門夾道今不存咸淳志左右七峰皆拔地數百尺其

趾犬牙相錯行路竝溪屈折者九故云九鎖

大滌洞天記
陳洵有九

鎖步虛詞引大滌洞天爲江左形勢之最九鎖乃天下所
無迴旋百峯隱真境者九望芝軒瞻象緯未易進越如君
門九重不可運也跡今攷古嘗謂天門巍巽巖圍九關虎
豹守之啄害下人有天關鎖雲無定攝藏于巖谷出入
無神力以行有藏雲鎖度弱水登瑤池可羽駕者鸞也德
者致之道者御之有飛鸞鎖騰青雲凌太虛飛舉之道也
說形換骨始獲身輕有凌雲鎖澄練五欲化氣爲神此真
彼真洞然無碍有通真鎖天川惟龍景雲從之奮發則吟
惟碑之攝有龍吟鎖道成德備元微洞澈變化無方真人
下接有洞微鎖紫崖終節一唱萬和樂音來下以迂有功
有雲璇鎖九關無禁三清垂光形芝玉墀視聆至道有朝
元鎖若夫奇峯秀嶺苟出類者必標名以永傳九鎖環環
人芾見山而已戊午仲春徜徉巖麓恍然若登天次第之
階俯境真會因人一鎖卽記一名併述步虛詞九章雜摩
達清未免說奇房之見接也徐凝九鎖山詩人行之字
路巖蟻九鎖紫迂勝九疑祇被白雲生不尙無端點破碧
琉璃九鎖司馬魚遊九鎖詩掠花踏水剡尋香間逐孤雲入
翠岡九鎖已深青更好七人相對話應長百年空閱夢埃

老五月福乘洞府涼可笑潘村狂道上未達玉室與金堂
湖海遊九鎖詩山下寒流自細泉曉林浮日自生烟九
峯密鎖疑無路五洞潛通別有天羽客依山多得道昔人
沈海漫求仙我來要學棲真事願借孤雲一榻眠 朱杰
九鎖山詩九天虎豹不守關瑤京夜半墮塵寰化為青山
故曲折中有玉殿開仙班白瀑天來三百丈飛沫直下琉
璃灣神仙可塑不可接桃花伴我歸人間 趙汝堤九鎖
步虛詞天開鎖云雲壙高嵯峨七數銜銅錄有象非有質
真倚侍時攀九天著通籍保我玉練顏英英青旄節悠悠
款靈關藏雲鎖云靈根鬱三素一氣同飆氣冉冉香上遊
永離真塵熏空體含五華霞貫泥丸若銀剛爾何神攝身
混祥雲飛鸞鎖云太空木無形天簡迴蕭疎火鍊身彌輕
意行神已如飄飄跨劍景琴飛舞雲裾無礙故逍遙灑然
翔清虛通真鎖云五嶽皆積骨千霜永難晨胡為甘短景
不悟丹臺春至道豈在煩錄稍練胎津六六琴心文一悟
通元真龍吟鎖云矯首東方宮變化何由尋神用妙難擬
颯電赫森森雨施不為功雲從本無心人間謾懷想要鉢
希出吟洞微鎖云大道不容言有滯還有機返本含元造
竟達無上機希夷絕視聽得一衆南歸向來寢虛師至訣
殊精微雲做鎖云悠悠劫為朝萬天恣遊遨三山渺如塊

舉步身彌高，釋宮近咫尺。天風度駭駭，至音非笙歌。冷然八瓊瑤，朝元鎖云煙。煌煌玉京闕，瑞靄紛天垣。嚴扈森虎兵，金朱煥靈門。星弁集萬真，龍旂開華旂。齋心潔形神，稽首朝混元。晁端友遊九鎖山詩。九鎖山中多隱仙，洞門終古掩雲烟。茶生東塢偏迎日，松老西岩不記年。翠箬久藏千歲藥，碧池深納半山泉。蒼崖縱使秦驅得，未信能移一柱天。趙崇嶽游九峯詩。九峯元不鎖，俗駕自來稀。水石竄仙窟，烟霞護羽衣。夜猿窺月叫，曉鶴出松飛。擬結巢山伴，取雲隱翠微。王洵咸淳乙丑歲暮重遊九鎖山時積雪初霽詩。九鎖山寒玉作圍，紅塵世事可曾知。峯迴似覺前無路，身到因思舊有詩。雲掩巖屏龍鬣冷，月明華表鶴歸遲。梅花笑我真污濁，踏雪重遊臘盡時。張昱九鎖山詩。青山九曲鎖烟霞，隔斷塵寰百萬家。洞裏有春藏未得，春風春雨泛桃花。

白鹿山 大滌山中峯曰白鹿山，上有許邁丹竈遺跡。

清一統志 第六十四福地曰白鹿山，在杭州天柱山吳天師

所隱七十二福地記。因許真君于此上昇，有天降白鹿下迎，故名。

成化舊志 大滌山泉石勝處率多北向向南而勝者白鹿一山

爾業林白鹿山房記

青檀山 在官東南東天柱右偏其勢不甚高而泉石奇

秀爲諸山甲今湧翠石壁與試劍來賢二巖水壺鏡潭皆

在此大滌洞天記

乳山 乃錢武肅王所增培者爲洞霄案山與青檀山相

接成化舊志

天柱山 在縣西南與大滌山相峙道書謂五十七福地

四面陡絕中窅一峰聳翠參天大清一統志 第三十一洞天

曰天柱山大滌元蓋洞天一百里在杭州餘杭縣天柱觀

三十六 郭文隱餘杭天柱山

仙傳拾遺

天柱之號濤霍及此三

峯一稱蓋以其下擢地紀上承天維中函洞府興雲雨而

潤萬物也自餘杭郭沿溪十里登陸而南幽徑窈窕纒越

千步忽巖勢却倚襟嶺環拚而幽宮闢焉就中土無沮洳

風不飄厲盤礴紆奧氣淳而境美

文苑英華

福地之一地仙王

伯元主之神仙隱化時有見者按記云天有八柱在中國

者三此其一也其一在壽陽一在龍舒

咸淳志

凡三峯與大

滌高足相敵由宮外望之屹然若柱又絕頂有石柱高丈

餘圍兩合抱此山所以名者洞霄宮以爲主山故古名天

柱觀舊志以爲風清氣和土腴泉潔神蛇不螫猛獸能馴

自漢武標顯靈跡建立宮壇歷代祈禳皆在此處也

記在縣西南十八里洞霄宮之右高六百六十丈

嘉靖志

大滌天柱兩山對峙亦一山二名故舊稱天柱山大滌洞

神州古史攷吳筠天柱隱所答羣應物詩寂寞一長望

秋山風景清北中唯草色翻憶見人行荒徑饒松子深蘿

絕鳥聲陽崖全帶口寬嶂偶通耕拙殊難容世貧間別有

情煩君瓊玖贈幽傾百無成吳昌裔天柱山詩柱天屹

嶺斷驚足臥草蒙非代虎痕想見山中明月夜有人長嘯

抱崑崙林景熙天柱峯詩誰作孤峯紫翠巔流泉一脈

到宮前却憐千尺擎天柱不柱東南半壁天張雨天柱

峯詩此峯屹立浩無前信是人間別有天劉柱何煩天北

際蓬山寧在海東邊采樵巨弱多無骨擣藥靈禽或是仙

老我不能為狡獪峯頭看月幾回圓高得踴天柱山詩

一柱迥當霄漢立三泉深據石根半北辰御座垂天遠南

極台躡出地高華表剛風吹別鶴崑崙崑崙積水戴靈鼈會凌

絕頂邀仙侶月

下吹笙和玉璫

青梓山 在洞霄宮西黃山北趾狀如屏嶂與白鹿山對

其地平處謂之上塢西為紫竹塢古多紫竹 大滌洞天記

黃山 在縣西南二十五里左大滌右天柱岡脈超出雲

表其上有伏虎巖 大清一統志 高千餘丈崇隆巖業雖百里

外亦望見之 萬歷舊志

丹山 在黃山外極高廣綿亘十餘里楊村在其下後有

響水石溪流至此輒逢逢有聲 大滌洞天記

戎山 在縣西南二十四里高一百丈周迴四十里舊傳

有休村李波提莊在山側波提常養一戎犬守莊犬死瘞

于山旁故名戎山 咸淳志

按夏志作在縣西二十四里王志作在西南二十八里
皆與潛志小異

石孟山

在縣西南二十五里上有石如孟

餘抗縣志嚴武順遊石

孟山詩吾生愛岑參探奇自成習不謂鄉里勝芒屨今始
及到山借筇竹空翠襟微濕鳥道未經鑿受趾劣得級磴
石何盤盤競世爭危岌數憩青泥間赴壑飛流急無言聽
喧飀塵心翻靜翁破苔澗餘涼捫蘿挂短笠不復知有日
况真暑處集邁步支公嶺禪風澹噓吸轉見絕壁開積鐵
雙峩立密陰樹參差大小三五十分明對圖畫青蒼供取
挹中有郭恕先如將呼我入
何當謝鷲全縛茅此棲螿

響山

在縣西五里高一百八十丈呼則傳聲故名

成化舊志

吳家山

在縣西五里高一百六十丈舊名楊家山後有

吳姓者居于山左改今名

成化舊志

按舊縣志只稱吳山

觀國山 或云觀光山在縣西北十五里孝行鄉成化山舊志

高九十丈周廻七里舊浙江通志

舟杭山一作舟枕餘杭西北舟枕山堯時洪水繫舟山上蘇詩

自舟杭山在縣西北二十五里高一百七十六丈周廻十

二里山頂有石穴古老云禹治水維舟之所東坡詩云看

山識禹功蓋謂是也咸淳志舟枕山或云舟航山成化舊志巍然

聳拔秀削干霄上有石穴潭水深不可測隨潮消長是知

上古山臨浙江故至今水脈遙通獲斯異名餘杭縣志郭昭舟枕山

詩策杖日攀躋雲生仄徑迷僧房留客坐石壁有詩題樹
樹花爭錦枝枝竹覆溪猶聞天目路只隔此山西徐鉉

舟枕山晴雲詩石林茅屋隔雲綺蓋園車望日勞縹緲
三山神闕近巖花六月屢樓高絲槐蒼鬱新涼早碧車繁
紆細路遙竟日登臨看禹甸井口溝洫尚周遭釋自彥
登舟枕山詩獨上浮屠下界寬瀑飛千尺杖藜看滄茫萬
里望無際風雨
一天山色寒

按舟枕之枕以字形近似而訛也蘇詩注亦作枕疑傳
刻之誤

吳山 在縣西北三十里其南又有小吳山

嘉靖餘
杭縣志

按縣東北十五里寡山之側有吳山縣西五里吳家山
舊縣志亦作吳山與此及小吳山爲四

將軍山 在縣西北四十里廣千餘畝

大清一統
志

齊亨山 去將軍山西北五里高千餘丈上接徑山有天

井龍潭瀑布數十丈

大清一統志

在縣西北孝行鄉周十五

里有瀑布自山頂下瀉于龍王潭下有斜坑因名斜坑山

後轉呼爲齊亨

成化舊志

王路自斜坑過直嶺詩故山

深處日陰晴歷盡高低路覺平雲自五峯
過直嶺水分一派下斜坑半青草怯風霜早垂白
人矜杖履輕試問流連復何事黃花翠竹自多情

徑山 在餘杭縣西北五十里南去臨安縣三十里高三

千餘丈周五十里乃天目之東北峯以山徑通天目而名

有東西二徑盤折而上各高十里許七峯羅列最爲幽勝

其地最高浙西諸山皆在其下宋高孝二宗常遊于此七

峯者左曰宴坐曰朝陽右曰鵬搏曰凌霄曰御愛北曰天

顯前曰堆珠而凌霄最高秀爲山之主峯又有碣石玉芝

二巖冷凡石壁諸塢千丈積雪諸坑明月洗硯諸池甘露

龍鼻諸泉

大清一統志

餘杭之主山也

嘉靖餘杭縣志

始至山陽東

西徑二由東徑而往坎窞爲池游魚乘空蓋寺之放生池也其西徑壁絕襟繞松桂盤鬱盡十里許及其巔峽東洞隱幾不容竝行已而內括一區平林坦壑四面五峯如手

豎指山迴物靜在處竒巧靈踪異跡不可勝記

神州古史攷蘇軾

再遊徑山詩老人登山汗如濯到山困睡呼不覺覺來五鼓日三竿始信孤雲天一握平生未省涉艱險兩足慣會行拳確舍輝亭上望滄溟凌霄峯頭挹南嶽自愛絲杉翠絲亂誰見玉芝紅玉琢白雲何事任來往明月長懸無晦朔塚上雞鳴猶憶欽山前鳳舞遙徵璞雪窗馴兔元不死烟嶺孤猿苦難捉從來自足傲生死不怕黃巾把刀槩榻上雙痕凜然在劍頭一映誰能角嗟我昏頽晚聞道與世齟齬空多學靈水先除眼界花清詩爲洗心源濁驛人屢

欲逃競病禪老但喜聞剝啄此生更得幾回來從今有暇
 無辭數蘇轍遊徑山詩去年渡江愛吳山忽忘蜀道輕
 秦川錢塘後到山最勝下枕湖水相縈旋坐疑吳會無復
 有扁舟屢到凌深淵今秋復入徑山寺勢壓衆嶺皆迷顛
 連峯沓嶂不知數重重相挹如青蓮散爲雲霧騎星斗聚
 作潭井藏蜿蜒欽公未到人絕迹千里受記來安禪荒村
 草野置茅舍坐令海賈投金錢至今傳法破煩惱飽食過
 寮宜安眠解裝投錫不復去紛紛四合投鳥爲或言此處
 猶未遠海上人少無煩剪天台雁蕩最深處水秀石瘦猶
 清便青山獨往無不可論說好醜徒紛紛然終當直去無遠
 近藤鞋竹杖聊窮年晁補之遊徑山詩盤崖繞壑步步
 高僕馬乏遊人痛勞五峯崛起千雲背衆山奔走爭來朝
 我行而欲犯星杓意徹絕頂纔山腰松間鳥語如相招仰
 見白塔當林梢擔攜上下若桔槔路窮飛樓鬱蒼藹欽公
 未來蔽菅茅山精水怪誰遊遨窮不擇東峯通幽巖丈人
 昧何由昭忽然飛錫從江阜探窮不擇東峯通幽巖丈人
 白絲袍再拜巖前風電飄三百年來響鐘鏡閩商海賈轉
 金刀直欄橫曠山迢迢晨夜諷聲嘈嘈碧山紫柏鞋若旌
 旄高深六月忘炎癘明月巷前醉松醪白雲峯頂瞰若郊
 鸞毛一點錢塘湖越王宮閣如累累臨之股栗精魄赴歸

不得寐心搖搖合暉孤亭立曠峭此地覽景尤難逃五更
月落禽朝朝陽鳥欲上海雲燒晦明變化不終朝倏忽
陽狀莫插夜闌燈青雨飄瀟偶坐兩客論幻泡探元窮妙
窺寂察破除萬事與絲毫奈詩思猶強豪歸時日沒紅
霞銷荒崖老木山蟬號釋道潛遊徑山懷司馬才仲詩
柔桑蔽野麥初布穀催耕雨一犁畧約時橫溪上下蒼
微問發水東西重尋勝處追前賞無復斯人手共携回首
春風增感慨綿綿黃鳥更悲啼鄭元祐送僧遊徑山詩
憶昔茗溪登徑山童孩無識空躋攀但見五峯削玉倚天
外兼聞衆木受樂下雲間振威何人喝石裂行脚有僧挑
月還神龍依禪井水立杜鵑啼血春花殷孤烟中分白窈
窕一雨忽洗青嶽巖何時復至舊遊處行蹤應有蒼苔斑
願從師去不可得起看蘿月空彎彎釋元肇徑山詩東
西兩徑幽歲晚得周遊壑霽陰猶在溪雲凍不浮鳥驚樵
斧重猿挂樹枝柔怕有梅花發因行到水頭釋祖銘宿
徑山安羅林詩高齋宿層巒無眠振衣起歷歷夜方悄
婉情自美濃露灌桂花清香襲庭几林曠鳴籟隱空淨停
雲從萬事坐若遺靜極到天理舉目注秋江涼月薄如水
十年事一百八聲鐘絕頂人不到此心誰與同凭闌發孤

· 嘯宿鳥起長松 周忱徑山觀梅詩天目山前夜月明
寒梢踈蕤影縱橫 禪扉半啓行吟處人比梅花一樣清

白雲山 在鴈搏峯後常有白雲如鋪玉境幽人絕靜修

之所也

徑山志

按蘇軾遊徑山詩自注云山有白雲峯今所稱徑山諸
峯無白雲之名蓋已謂之山而峯名隱矣

羅平山 在縣西北五十里昔羅隱居此故名

餘杭縣志

巖山 在縣西北六十里傍有仙洞其深莫測

嘉靖餘杭縣志

高陸山 在縣西北七十五里南界臨安北界安吉雙溪

之源出焉

大清一統志

一名南興山一名泉山高三百丈周

迴五十里舊傳有高陸二氏居山側其村號高陸村故併

以名其山今山下有高陸二姓

咸淳志

按成化府志嘉靖省志皆云高三百丈萬歷志云高二千五百丈相去懸殊恐誤

仇山

一名嚴山

在縣北十五里下有仇溪

大清一統志

嚴山郡

國志云一名白鹿山晉朝嚴晁葬此山有二白鹿來夾冢又名太守山

太平寰宇記

仇山高三十五丈周迴五里舊有仇

王廟因名又謂之白鹿山耆老云宋晉陽太守嚴昆葬于

此因以名山十道四蕃志云清嚴山一曰鹿山

咸淳志

其山

有廢堞周繞俗以爲仇王故城越西相望有西仇山

神州古史

攷戴表元仇山圖詩爲仇近仁作仇山山下仇山人白頭宦學走風塵問渠家在何處住雲氣漫漫不知路詩人

作事例多癡逢山且畫且題詩不如隣翁不識詩與畫一
生耕釣仇山下張丹仇山詩尋山意靡倦越溪心更爽
牽蘿繞岸突挽葛窺洞徹林深欣滅跡澗曲聆奇響亂石
既岑峙北疇衍以廣蔓草終古禁仇王竟焉往岩竅還空
嵌城塹無停鞅岷崎踰竹埤紆菁薄叢莽衆木翳寒潭白
日嘯颺颺窮厓早已困攀磴詎能上良友祇偶遊登頓路
枉廻

按嚴晁嚴昆相傳不一或云晉人或云宋人或云晉陽
太守或云寧朔將軍今難臆定十道四蕃志作清嚴山
亦莫攷

法眼山 在縣北六十里高一百九十丈後唐法眼禪師
居此成化舊志卽五燈所稱法眼宗者是也餘杭縣志

黃廂山 在縣北六十里相傳黃巢兵掠餘杭犯臨安爲

錢武肅王敗于此收其卒而迴故山名黃迴

嘉靖餘杭縣志

破山 在縣東北十里拳石屹立嵌空若鑿竇涵碧澗其

上蒙茸林巘凌虛俯黜幽滌塵襟

餘杭縣志 周容游餘杭破山詩忽聞破山名

爲指破山意積石既破黃河天墮塘復破長江地何處山
川非破山自雲安得桃源寄姚子端木約往遊芷孫治楮
操小舟出城東北將十里一路桑陰鳥語稠橋外見山非
破山破山却隱魚山灣叅差卷石合位置似斷似續泉潺
湲有戶爲誰構有窗爲誰竇有室爲誰深射隙天光仰如
鬢一泓劍池割虎邱三分赤壁移黃州崖裂不裂松根怒
石崩不崩蘿蔓愁乍看一拳若尋幽費芒屨別指隔岸疑
有橋忽聞人語疑在閣是日雨意晴凝雲午照輕主賓共
十子脫畧無塵櫻卸冠冠危石解衣衣垂蘿携手分隊各
隨意已復聚會山之阿杯盤更兼筆墨置或飲或否無行
次眼前惜乏顧虎頭試畫圖千載事北門孫子面屢昂
促眉揚鬚鬚半蒼高吟起坐引紙長似得好句憂遺忘同
吟張子大鼻赤持杯未酌摩眼逼董子近覩殊更劇欲拈
櫻桃悞雞肋趙子俞子坐接茵一如虎踞一鶴馴鸞眉雄

辨者雖客側耳注睛者吉人端木搏鬻音帶楚芷孫吹爐
命童豎破山今日得姓姚萬物從來無定主會中沈毅最
少年白哲邵子臨風前自言屐齒已再到踏破破山山運
烟別有狂客足蹙蹙數莖黃髭一齒折此身似與破山宜
五百里程寄踪跡人生每蹉跎勝事不易多此山亦已久
往哲誰經過風雨莓苔剝姓氏我欲高處重相磨丈夫所
到壯山河不須涉岱登岷峨山若有靈應自喜奈此夕照
催歸何共返小舟相歷坐到城竟帶山雲臥更深雨注霖
霹驚打落前
山山更破

按嘉靖縣志敘川篇云天目水至孔井山始通舟又轉
過破頭山毛山出瓶窰并入茗溪所云破頭山卽此

寡山

在縣東北十五里

餘杭縣志

黃山

在縣東北三十餘里山前界

成化舊志

景星黃

餘杭共山自天目之支三分而中一支或起或伏發爲三山西曰舟枕東曰陽山其中峯巒

接雲氣瀾漫草木叢

茂者水禁抱于前唐開成間有盛氏諱旦者自臨安屢口徙居其下以衆山環繞而茲山特處其間如土之在中央遂名爲黃山于時雅善侍書學士柳公權爲書黃山二大字刻石其巔而山有聞矣元初什十二世孫欽仕元江淮財賦府總管暨從子臨安儒學教諭伯拱子定安縣尉仲深矢志重立未遂十四世孫彥道舉廢以成前人之志而黃山之勝克復舊觀云云彥道名仁仕爲山東布政使致仕

白崖山 在縣東北四十里常熟鄉石崖瑩白故名其隄

有泉長流

成化舊志

崖山 在縣東北四十里高三十六丈周邈十二里崖山之外若望月山裹盤山外盤山馬頭山孔井山妙山芝山大陸山皆在縣之東北隅岡巒迤邐綿綿相屬

萬歷舊志

按白崖山崖山俱縣東北四十里疑一山也萬歷志兩

載今仍之

凌霄峯

最高而秀拔爲徑山之主也

成化舊志

峯頂時現五

色毫光舊有龍游閣亦曰凌霄閣明梵懷慧結菴于此苦

無水捫虛巖擊之得泉可供百衆名甘露泉

餘杭縣志陳道亨登凌

霄

霄峯詩凌霄峯頭烟霧深野衣虛閣此登臨長藤古木有
佳興翠壁丹崖生壯吟飛瀑灑空干樹濕白雲籠日半山
陰來參玉版春雷後又見孫枝橫出林釋德清登凌霄
峯詩獨上高峯倚杖藜侵人空翠轉淒迷西來二目如鸚
翼東去千山似馬蹄巖壑久稱師子窟山林終
許象王柄我來欲說無生法塵尾繞揮萬象低

五峯

徑山之左爲宴坐峯朝陽峯其北爲天顯峯一名

大人當其前爲堆珠峯一名鉢孟右偏爲鸚搏峯一名大

寂巖

嘉靖餘杭縣志

五峯同抱中有平地人跡罕到

徑山山誌堪輿

家謂此山爲五峯攢秀蓋指鉢孟鴉搏宴坐大人朝陽也
其名宴坐者昔黃巾賊入山中祖師坐于峯石賊連以矢

射之矢皆中石師則宴然不動因以名之

慎蒙遊記 釋

堆珠峯云天勢下凌霄坐使萬壑趨元氣結巒岫獻此大
寶珠翊殿護釋梵鼓鐘般人區大人峯云五髻生雲兩鎖
踞何春容具此大人相題爲大人峯偉哉天地間萬物同
擴充鵬搏峯云峯勢來大鵬鼓此垂天翼培風本無待適
茲造化力何須問天池在在六月息宴坐峯云杉松太古
色不別春與冬道人此宴坐一念萬劫融不特塵登王等
了諸法空朝陽峯云二儀開幽冥日月照下土萬
物麗高明此峯正當午堂堂大聖人可眼空寰宇

按宴坐峯舊亦稱宴坐巖蘇詩注引山門事狀黃巢偏
師數千至于徑山法濟大師洪誣宴坐不起賊揮劍禪
座者再神色不動今劍迹尚存慎蒙謂黃巾賊以矢射

之黃巾見蘇詩乃借用之辭非實跡也

御愛峯

宋高宗遊幸凝立顧愛因名

成化舊志

顧望峴

近志皆作顧望山

在縣西南三十四里高一百四十步

周廻五里按土風記云秦始皇至此棄舟登陸往會稽登

山顧望因名

咸淳志

峴曰顧望故曰仙姥

葛澧錢塘賦

顧望山舊

曰顧望峴

成化舊志

何嶺 在縣西南十八里高二十五丈長五里餘貫通朱

橋上壽等界舊有何姓居其下故名

萬歷舊志

其嶺爲洞霄來

脈

餘杭縣志

天柱嶺

有東西二嶺西嶺在棲真洞左循大路直上左

折則玉洞自嶺趾入支徑約一里則至石室越嶺爲徐揚
諸村東嶺在青檀山後亦名九仙蓋自山趾歷九折乃達
其巔越嶺則爲山南循東溪達邑中其道上溪山清勝有
足觀者

大滌洞
天記

按成化萬歷志皆云縣西南二十里有九曲嶺高三十
五丈長五里嶺九折縈紆蓋卽東天柱嶺

新嶺 在縣北一十二里高五十丈長二里通接鋪路

成化

舊嶺界兩崖間路通雙溪諸鎮

餘杭縣志

戴表元登新

志嶺界兩崖間路通雙溪諸鎮
嶺詩牽犂磳磳白石溪綿
綿茫茫青草磳四山陰雪濕灰色六月杜鵑深樹啼田盧
經漂有高下麻豆滿塢無東西隔巖飛流送人語對面喧
風吹馬蹄抵今莫辭柳栗杖與子更上嶺
旣梯登高意遠
曾有極回首烟海令人迷
張丹新嶺道中詩躋險卽瞻

眺入谷方盤桓逕路開藜茂美越詎勝單葦茅倚澗削剪
荆面石攢森竦抗迴峯倚蓄鏡清瀾吐茗近綠扉標舊樹
翠垣葩草結枉渚修竹振員巒沉波溢洞次流溪寫空湍
泓泓既乘筏悠悠亦把竿遇厓自披情陵頂幾改觀見素
以拖璞終古性所安

中嶺 在縣北一十四里高三十丈長六里其南連新嶺

曲折至西北接續乾嶺居二嶺之中因以爲名

萬歷舊志

乾嶺 在縣西北二十里高六十三丈長四里連中嶺崎

嶇高峻

成化舊志

相見嶺 在縣北四十里東林西扇其嶺重疊相見故名

嘉靖餘杭縣志

戍嶺 在縣西北五十里元末兵亂民戍守于此

嘉靖餘杭縣志

黑嶺 在縣西北五十里竹木陰翳險側難行餘杭縣志

幽嶺 在縣西北七十里古城界餘杭縣志幽嶺關在安吉州

孝豐縣東南三十里幽嶺上東南與餘杭縣分界又有百

丈關在餘杭縣西北八十里百丈嶺上北與安吉縣分界

今其地有百丈嶺元至正十二年徐壽輝將項普畧等屢

犯杭州攻獨松百丈幽嶺三關董搏霄擊之分軍爲三一

軍出獨松一軍出百丈一軍出幽嶺然後會兵搗賊巢遂

乘勝復安吉州讀史方輿記要

按百丈嶺舊府縣志皆失載

獨松嶺 在縣西北七十五里有關在其上嶺路險狹東

南直走臨安西北則道安吉趨廣德爲浙江二境要隘大

清一統

志

穀水東逕獨松故塚下

水經注

嶺高四十二丈長五

里

嘉靖浙
江通志

去嶺二里爲關其關屬安吉州

萬歷
舊志

自天目山

而北重岡結澗廻環數百里獨松嶺傑峙其中

讀史方
輿記要

來賢巖 在大滌東南秀峯之前嵌空數丈東坡作倅日

同蔡準吳天常樂富國聞人安道俞康直張日華凡七人

來爲林泉之遊遂名其巖曰來賢

咸淳
志

東坡居士與蔡準

等六人皆幅巾藜杖盤桓于此

大滌洞天記

吳昌裔來
賢巖詩杖挂松花酒一瓢

手援柏子雜香燒山空露冷吟招隱掉首諸賢不受招

王易簡來賢岩詩絕壁中嵌空秀石下挿地緬懷玉局仙

于此冠蓋萃雲泉儼炸造卉木遺古意青山日

迎客何者傳姓字斯人千載名覽勝乃餘事

試劍巖 在青檀山山形忽裂爲兩如劍所斫

成化舊志

伏虎巖 在大滌洞西南峻壁間若環堵之室出佳茗爲

浙右最東晉隱士郭文伏猛獸于此

咸淳志

其南有路自上

而下復陟崖磴方至其所藤蘿深密怪禽盡啼非有

士不可處也唐吳天師愛郭遺跡每遊忘返題詩巖上今

歲久昏剝

大滌洞天記已得外方心

絕跡遺世務棲真入長林元和感

異類猛獸懷德音不憶固無情斯言微且深

仙跡巖 去大滌里許路側崖上有仙人遺跡苔蘚不生

溫潤光澤

咸淳志

秦始皇驅山岳擬塞東溟常役鬼移之山

勢欲動忽有仙人叱鬼以身扼厓石使不得去今厓上有

肩帔簪冠遺跡隱然可見因以名巖

名山記揚傑仙跡巖詩祀龍求仙徒用

力駕海欲驅山下石神人倚住不與行留得岩前隱仙跡

呂同老仙跡巖詩巖秦亂天綱猛志凌海水長驅萬山石鞭策無遠邇餘威及茲地夜半走百鬼仙人惜靈宮一

怒俱披靡巉然斷崖上遺迹俯清泚溪聲助叱咤野蘚被冠履茲事三千年孰決非與是摩挲蒼玉紋俛仰求至理

鄧牧仙人隱跡詩至人猶神龍變化不可測隆然七尺軀印此一片石我行半江海空飛杳無迹

喝石巖 徑山西岑之北數百步屹然巨石屏張笏立山

上下左右可再十尺劃而三之若川字隸文曰喝石巖

蔡明國一師坐石屏之下有白衣士自言天目中子山人能

誦俱胝觀音呪功力無比師欲驗之乃曰吾坐後石屏汝

能呪之令破否曰可遂叱之石屏裂爲三片

蘇詩注引徑山山門事狀

川字石在徑山一巨石有三裂宛成川字遊者以線格之

根不著地

嘉靖餘杭縣志

王汝亨喝石巖詩是石無受

處云何喝爲三現茲神通力開彼妙靈函

蔣

灼喝石巖詩無復高僧勝地遊靈巖喝破幾

春秋若教說與當年偈此石還應重點頭

玉芝巖 在喝石菴峭壁之左欽禪師入定處也時產靈

芝色潤如玉故名

徑山志

張瓌寄題徑山懷卽簡侍郎

詩天地一洲渚北平南歆危幽并深以

厚江浙清且奇武林頌幽秀川匯仍山卑應接殫天巧類

非人力爲徑山最佳處有巖稱玉芝居防俗士駕地乃賢

人宜卽公留名德平時爲羽儀引年歸故里不復衣朝衣

留侯黃石心白傳香山期結宇名勝外日與塵事違泉石

景物狀盡在諸賢詩伊余來東藩濫持使者麾平生愛山

水弗憚命駕之當候秋風高遠造巖下屏澣濯纓上塵散

步松間藜未能繼

高躅聊用慰所思

苦竹塢

在東天柱嶺首去洞霄宮一里許與仙跡巖相

並有石如片雲從地湧出欲飛而未起也

大滌洞天記

徑塢

在凌霄峯西北昔國一禪師由此徑而入上有飛

湍如匹練懸注石崖

徑山志

四壁塢

一作石壁

在縣西北四十里

餘杭縣志

石壁塢在徑山後

相傳千峯萬壑羣賢聚集之所

徑山志

阿姆墩

在縣西五里高六十丈周迴一里父老云晉初

有裴氏姥居此採衆花醞酒凡士之貧者貰與之忽有三

人至姥所飲酒數斗不醉謂曰姥當仙去故來相命因授

藥數粒姥餌之忽不知所在今墩上花草猶存陰雨時或

聞酒香

咸淳志

墩舊無名因阿姥居此遂呼之

萬歷舊志

旁有黃

婆井水甚清冽

餘杭縣志

按錢塘清波門外相傳亦有仙姥墩故方輿勝覽云墩在府西五里但姥爲餘杭人出于舊記如唐丁仙芝餘杭醉歌十千兌得餘杭酒二月春城長命杯曹唐小游仙詩若教使者沽春酒須覓餘杭阿姥家陸龜蒙寒食書齋卽事詩餘杭山酒猶封在遠囑高人未肯嘗皆指餘杭咸淳志亦載其事神仙傳云王方平過蔡邕家以千錢與餘杭阿姥市酒則爲餘杭之跡而非錢塘明矣

望牛墩

在南湖之間其狀隱若隆阜然湖漸堙塞今存

無幾

咸淳志

去縣南四里農隙之時民家多牧牛湖中牧者

登堆而望故名

咸化舊志

石灰墩

在縣東南三里杉木森茂寶輪寺以此爲響山

咸淳志

土石皆羅白色故名

萬歷舊志

靈雞堆

仇山麓仇王廟後有靈雞堆古有是名莫攷其

詳

神州古史攷

大滌洞

在天柱宮南山有五洞其一投龍此洞是也

太平

寰宇記

上下平如剡削兩旁厓石澤潤如玉作蒼黑色行路

屈折僅通一人

名山記

徐安國大滌洞詩大滌山藏碧玉函神龍護穴虎馴巖華陽邃道通仙處

始見元同骨不凡

史槐大滌洞詩乘間扣洞府清氣襲吟身泉瀾石皆乳雲深境不塵蒼龍潛古井白鼠避遊人

玉室金堂窈空勞夢想
縹緲凌絕頂古洞不見日
弄雲影仙遊懸初逢秋山
頂郭景星大源洞詩天柱
現神劍鬼刻積萬劫劃然
擊之清聲隨手起我來秉
森通入肌骨寒壁上元乳
虎豹當其關出門日射西
慈清音亭一杯
滿酌丹泉水

石室洞 在大滌山中峯之前有巖竇石梁洞外泉脈垂

溜注于石梁之下洞初未顯吳筠解化于宣城指門人藏

書劍于此

咸淳志

茲洞一名藏書一名東玲瓏洞中三穴若

品字透見天日內有石室故名之

大滌洞天記 吳昌裔石室洞詩竹几蒲團石

室中細書抱朴較叅同寄聲碧眼朱高士何必携琴下閩
風 葉林石室洞詩低垂石室洞杖履易躋攀有路穿雲

虛無門對月關誰騎仙鹿去我笑
國蝸跼若使今猶昨清宵聞佩環

鳴鈴洞 祥符舊志云在洞霄宮東山之上洞多竅穴風

作則鳴舊本作鳴虛洞

咸淳志

按大滌山尚有鳴鳳龍蛻諸洞據臨安縣志山從春分
界凡山右名勝多屬臨安而歷來舊志但載在餘杭今
以聯境之所難以縷晰姑從舊志不更著惟鳴鳳龍蛻
等之顯屬臨安者皆移栽焉

雷門洞 在大滌書院之側順治丁亥重九日霆震崖石

摧落豁開一洞名曰雷門

舊志

湖仙洞 在縣南三十里南接桐嶺界于富春岡脊之上

別開洞天泉石靈秀池水羸縮呼吸之勢實同溟渤應乎

潮汐故名

古今圖書集成職方典

千丈坑

南塔龍首山下懸崖直下不啻千丈

方輿路程紀要

雪坑

橫嶺西北四山高深積雪不消

徑山志

湧翠石壁

自試劍巖後三十餘步有峭壁面北從地湧

起高可二三丈廣可二三十丈蒼翠玲瓏奇怪萬狀莫可

形容蓋茲山秀氣發自來賢至此餘半里始盡呈露上有

石乳焚之芳香有巖對峙相去僅數尺不容並行若以人

力開闢尚可作亭

大滌洞天記 胡僑湧翠石壁詩翠珠層崖玉有聲朝雲高湧出方巖玲瓏疑

自通仙境可待

乘風訪玉城

響石 在大滌洞內遊者擊之如鼓聲聞一里許

嘉靖餘杭縣志

雲根石 去大滌一里許在路旁之西與仙跡相近石狀

如雲從地湧出故以雲根名之

咸淳志

張揆雲根石詩何處一片雲飛向巖前住

從龍已無心天風吹不去王易簡雲根石詩行雲倏變滅本作須臾期山靈護清氣英英幻真姿舊雨洗猶在高風吹不移觸石有動意出岫無還時扶桑如可薪鍊此白玉芝

碁盤石 在縣西北徑山凌霄峯之側如碁盤之形路與

子隱然可見

成化舊志

鷹窠石

一作鷹窠

在徑場內聳立崖上有若鷹窠

徑山志

徑山

佳處惟在後山遠則大佛頂近則鷹窠石也去喝石巖里許肉消而骨露向之坦途變而爲側足深壑下聞潺湲聲

走如怒雷峭壁巉巖屹若鬼斧問僧何名曰每春則黃鳥

營巢孳卵于其下謂之鶯窠云

名山勝概記

吳焯鶯窠

萬重天風墮飛鳥瀑水濯寒松雲宿幾時
石烟迷何處鐘携將斑竹杖來上碧霄峯

石門 自來賢巖東五十餘步歷陂陀而上卽青檀山路

右依巖石左臨深坎旁有巨石與巖對峙號小石門

大滌湖天

記

石步障 自石室歷數折上有蒼石沿徑連屬可百餘步

名石步障

大滌湖天記

南湖 在縣南有上下二湖舊志云苕溪自天目乘高而

下縣地平衍首當其衝漢嘉平二年縣令陳渾始築兩湖

以瀦水其並溪者曰南下湖環三十里並山者曰南上湖環三十二里于湖西北爲石門函以納溪水又于湖東南五畝塍立滾壩其派別北出自黃母港會于苕溪會處築石埭曰西函西函在縣東十三里後堙廢唐令歸珖因舊重修宋明以來相繼修築

本朝康熙初知縣宋士吉于滾壩上更築輔壩十年巡撫范承

謨又濬

大清一統志

浙江東逕餘杭故縣漢末陳渾移築南

城縣後谿南大塘卽渾立以防水也

水經注

餘杭縣南五里

有上湖西二里有下湖寶歷中令歸珖因漢令陳渾故跡置北二里有北湖亦珖所開溉田千餘頃珖又築甬道通

西北大路行旅無山水之患

新唐書地理志

後漢嘉平二年縣令

陳渾修隄防開湖灌溉縣境公私田一千餘頃所利七千

餘戶歲久塘圯唐令歸珽重修百姓祠之立石爲記舊有

歸府君廟是也

輿地志

南上湖在溪南五里塘高一丈四尺

上下各廣二丈五尺周迴三十二里二十八步與下湖相

接南下湖在溪南舊縣西二里六十五步塘高一丈四尺

上廣一丈五尺下廣二丈周迴三十四里一百八十一步

咸淳志

自唐令歸珽修築後宋崇寧中令楊時宣和中令江

袞紹熙中轉運黃輔皆加修濬繼而塘堰頽壞湖沙日高

明初已來屢議修復而南上湖已爲豪民佃據無餘嘉靖

三十四年縣令吳應徵勘稱南湖故迹惟下湖僅存若不
及時修築壩堰蓄水勢一遇淫澇從五畝塍諸處潰入
安東等鄉爲民之害不惟餘杭境內而已然時奉行無實
今南湖一區周迴約二十餘里其苕溪分流之處在城西
南二里水漲時湖中一望瀰漫秋冬水涸則洲渚參差平
沙彌望必盡復西函及滾壩之制而南北岸及中隔諸塘

以次修舉則下流田廬永無墊溺之患矣

讀史方輿紀要
朱慶餘南湖

詩湖上微風小
樞涼翻翻菱苒滿
迥塘野船著岸入
春草木鳥帶波飛
夕陽蘆葉有聲疑
露雨浪花無際似
瀟湘飄然蓬艇東
歸客盡日相看憶
楚鄉楊文烟南湖
卽事詩路轉南塘
曲俯然隔世情
藤花山店酒半
菜野人羹沙月
涼侵袂溪雲暗
接城回看數行
雁鄉國共秋聲
龔大明南湖詩
梅霖初歌水平
湖湖上青山展
畫圖更著樓臺
相

掩映風流端不減西湖黃景昉南湖詩南湖靜無波宿
雨朝時霽陰駁漸開雲見山尖似髻天水相涵虛鏡光物
恒媚復有雙飛霞如紗綴鏡鼻竦脚舊能眠雅菱今又刺
笙簫寡上船鳥雀公巢寺翻覺西湖喧媿然脂粉氣我故
寂寞人我取寧人棄嚴武順南湖詩平波怯怯熨羅衣
疊嶂殷殷擁翠幃若以西湖字西子南湖應得號南威
嚴敦南湖觀漲詩雨積波平似不流興同觀海據樓頭
沙古嶼疑無路傍竹幽居別有洲白鳥羽兼晴浪起青山
影帶夕陽浮自憐徒倚茅茨底宛在秋江明月舟張丹
望南湖詩湖波猶澄鮮山烟亦縹緲即次淹坐愁共往暫
展眺茲惟茗水滙况乃秋雨潦谷門趨衆流沙墩隱亂草
葉艇泛綠葦竹筱拂紫蓼含歡聚浴鳧愜意衝飛鴻西顧
何瀕洞東望亦浩淼潏潏滾壩夕欲澗南塘曉類
濯既已晏澹澈豈云早駐此止滌巾未厭恣幽討

北湖 唐書地理志餘杭北湖亦歸眺所開舊志云湖在

縣北五里周六十里引苕溪諸水以灌民田大清一統志其

源出諸山塘高一丈廣二丈五寸以其在縣北故名北湖

咸淳志

查湖 在縣北三十五里塘高一丈廣二丈其源出諸山

溉田甚廣卽後漢搖泰所封之湖湖側亭址尚存

咸淳志

苕溪 浮玉之山苕水出其陰

山海經

一源自天目一源自

獨松嶺合流至吳興入太湖

輿地志

苕溪有二其一由於潛

臨安東流過餘杭縣治南又東經錢塘縣境東北流至湖

州府界

今水經

濶七十六步秋冬深五尺春夏深九尺

祥符圖經

耆老傳云夾岸多苕花每秋風飄散水上如飛雪然因名
又輿地志云自縣之西名泠溪蓋取清泠之意乘舟至此
處輕若凌虛唐天授三年勅錢塘於潛餘杭臨安四縣租

稅網運徑取道于此公私便之每春日風生輒水長數寸

土人號爲尹公潮俗傳尹公有術能叱水成潮咸淳志在縣

治前六十步按圖經溪陟於潛臨安二縣東流百五十里

至于本縣又東流二十七里至錢塘界也嘉靖餘杭縣志尹公潮

在縣東半里通濟橋東溪內春風吹激波瀾洶湧里許間

耳成化舊志釋道潛曉發茗溪將次徑山詩明星耿耿

轉春風勝游此日塵埃外回首他年夢寐中絕景小詩難

壯觀當年醉筆吐長虹杜耒茗溪詩風掠蓬窗雨鬢秋

生涯無歲不扁舟吟詩本欲相消遣及到吟成字字愁

程以南茗溪晚泊詩一笑茗溪上微茫駐日睡鷺沙行个

字魚浪出圓紋晚色三家市秋容幾樹雲行藏知有分莫

誦北山文釋斯植茗溪舟次詩扁舟烟重冷漁簑兩岸

人家漫小河芳草自生春自老落花隨雨晚風多黃潛

風雨中同章德茂泛茗溪詩黑風翻江白雨傾橋歌掩側

斷人行此時惟我與章子孤舟蕩漾烟波裏烟波蒼蒼楊柳黃浩歌擊絃興彌長翩然一葉恣掀舞青山白塔頽低昂朝過城南暮城北舟人問我將誰適章子掉頭作吳語秋水夜來深幾尺忽看大字扁竹林寺門對水仍陰陰敲門見竹不見人竹間翠石何蕭森回舟少休雨如注四顧真茫但烟霧魚龍躍吾不知披蓑却入菰蒲去岸旁羣兒拍手呼笑言狂客世所無嗚呼古人今則無後來視我知何如爲君留此有聲畫題作扁舟烟雨圖戴表元茗溪詩六月苔溪路人言似若邪魚鬣挂櫻樹酒舫出荷花碧水千塍共青山一道斜人問無限事不覺是桑麻王淮秋夜泛蒼溪詩倚棹蒼溪上孤吟思不羣抱珠龍臥月失侶雁啼雲樓影依橋見簫聲隔水聞詩成何處泊涼露紛紛

按舊志有以尹公湖爲尹公湖與南湖北湖並列者誤

橫溪

在縣南一十里舊名雙溪

古今圖書集成職方典

東溪

在縣西南二十里其源發于由拳山盤旋曲折流

二十里入石橋橋又流八里許而入餘杭塘河不通舟楫

嘉靖餘杭縣志

其水歛高注下堆碕詰曲故不可行舟筏

餘杭縣志

停辭溪 在縣東二十一里亦名東溪源出青嶂山東北

流入錢塘縣界又北流入德清縣界合茗溪

大清一統志

辭溪始于范蠡欲鑿開其山通浙江之水因民弗願辭訴

而停焉

葛澧錢塘賦

祥符志云關二十步深四尺以在縣之東

故名東溪

咸淳志

按咸淳志祇載此溪無東溪蓋此溪卽東溪也然舊府

縣志皆分載東溪在縣西南而以東稱亦所未詳今兩

存以俟考

仇溪 在縣東北二十里有二源一出臨安縣九仙山經

高陸山東流八十六里至仇山之北一出獨松嶺東流八

十里亦至仇山下合流又東流入于苕溪

大清一統志 關二

十步深五尺二水合流東行十二里一百步又合苕溪行

三十六里二百步入德清縣以二水合處有仇山故名

咸淳

志 通志曰其源西出高陸山東出獨松嶺嘉靖志曰高陸

山水東流至仇山南烏石等山之水亦至山北合流于盧

公橋東行以入苕溪今按餘杭水統歸苕溪故土人有三

苕之名此則爲中苕也

餘杭縣志

張丹入仇溪訪友詩

輕策踰新嶺落日次西郭杳冥目
所希賞心于茲獲潭澳亂泄雲滂浚
巽叢薄舟枕頂既凍
仇山背亦削屢與雉兔侶寧讓鳥雀樂
析蘿葉踈藁藁

藤子落椽枝紛披披聳幹曲且攪密林烟左接深谷霧石
作清泉激石肺迅湍洗崖脚俯濯似猿蹲仰攀類猿躩松
根澗底引竹梢筏上掠過子境已閑欣
予足未却共言求所志恬然採場養

雙溪 在縣北三十五里有二源一出天目山一出高陸

山至雙橋合流又東入徑山港達于茗溪 大清一統志 天目

源并古城浮里等處水大陸源并上高前喝等處水 嘉靖餘杭

縣志 釋道潛雙溪曉步懷少游子寔詩亭午炎威劇風

溪破曉行紆餘憐野約錯落見長庚翻藻魚呈媚捐林露

獻清二蒙似上闕此樂與誰并 吳焯雙溪詩百里雙流

匯此方修壘合澗鬱相望雲生石脚水痕白日射山頭烟

氣黃不少游魚衝激澗儘多啼鳥弄微
茫行人已入挑源路何必前溪問糧郎

五福渠 今名閘 祥符志云在縣東二十六里一十六步深
三尺入錢塘縣界一十八里五十步瀕渠有五福廟故以

名

咸淳志

舊志五福渠今閑林市居此河兩旁遂呼爲閑林

河

咸淳志

闊二十五步深丈許可勝百斛以上之舟

嘉靖餘杭縣志

其上源亦分南湖之水經閑林鎮西出接于錢塘之西溪

方輿

紀要

南渠河 祥符志云在舊縣前一十步大溪之南澗一十

五步深五尺源出于縣南上下二湖東連五福渠以其在

舊縣南因名今上下湖堙塞不與此河相通故久不雨則

河之澗立見

咸淳志

餘杭塘河 在縣東南三里闊三十步深一丈許連南渠

河自安樂橋四十五里至杭州之運河通舟楫水盈可勝

三百斛以上之舟遇旱水涸亦可勝百斛舟其河自府北
武林門外賣魚橋以西至縣而止

古今圖書集成職方典

其上流爲

南渠河經縣東四里之安樂橋而爲餘杭塘河東流至府

北江漲橋入于運河

方輿紀要

木竹河 在縣西南上通石門橋下接南渠河古有之今

塞

嘉靖餘杭縣志

瀨河 在縣北石瀨鎮相傳下有穴通海遇旱禱雨輒應

今爲放生河禁捕捉

餘杭縣志

沙港 在縣東三里其水自餘杭塘河流入靈源港可勝

二十餘斛之舟

成化舊志

地勢寬衍隨盈隨涸舊名沙港以此

嘉靖餘
杭縣志

靈源港 在縣東一十八里其港脈絡貫通靈源二三等

保故名亦通錢塘縣界可勝三五十餘斛之舟

萬歷舊志

黃母港 南湖之別派而北者爲黃母港流十二里與茗

溪會于其會處節以石埭曰西函溪流方漲則閉以固東

鄉之田俟其稍落則啟函以走渠港之潦

成無玷南湖水利記

徑山港 在縣西北三十里源出徑山東流合茗溪可通

舟楫

大清一統志

雙溪盡處凡至徑山者停舟于此

徑山志

明星瀆 縣東一里外接南湖之西函宋時投龍簡于大

滌洞必先祭此

大清一統志

在縣東一里二百步周迴一百

五十步耆老相傳云昔有人晝視水中有星燦然故號明星瀆瀆之南瀕路舊有女冠之居遺址尚存

咸淳志

溪下多

潭皆遇水衝注而成自新堰以西第三潭最深瑩而闊者

明星瀆也

大滌湖天記

瀆南女真觀以敝衣浣濯星不復見

嘉靖

餘杭縣志

五畝塍 南湖東南嶽廟之側有石橋橋五畝塍二處皆

陳渾遺跡父老云昔湖深水低則引兩湖之水由此入安樂鄉其塍上下各闊丈餘後湖堙塞欽德昭德兩鄉之民侵湖爲田梅雨連月必苦大浸欲其快于流洩于是塍與橋毀宣和中知縣江袤紹復前績民享其賜縣丞成無玷

作五畝塍銘刻之鳳凰山石

咸淳志 成無玷五畝塍銘

輸歲堙爲陸漲流時至雲日蕩沃旁合百源滙于山足勢溢以傾怒濤奔撼高卑之際歲繼版築拓基五畝隨潤北屬水溢乃流如擊諸斛蓄泄得宜高下成熟自塍之壞歲無半菽茂宰因民無廢不復慮始云難勸趨則速旣堅旣厚旁郡蒙福咨爾後人嘉績思續南湖之陽鳳凰之麓石林崢嶸驚瀉回曲勒此銘詩尚議陵谷

凌湖潭

在縣東二里地名白塘頭元大德間溪洪溢奔

衝倒白塘遂成潭甚深闊瀦其水溉田百餘畝以其近凌

湖村故以名

萬歷舊志

吳家潭

在縣東三里西北隅其水冬夏不竭溉田百餘

畝

嘉靖餘杭縣志

徐湖潭

在縣東八里徐湖界宋家山前其潭通接官河

漑田二百餘畝

嘉靖餘
抗縣志

蔣家潭

在縣東八里下通諸港三潭聯注潭之側有蔣

氏居焉故名

成化
舊志

康胡潭

在縣西南十里耆老傳云昔有康胡二姓者居

此專以太秤小斗貿易爲利尅剝鄉人倏一夕風雨晦暝

震陷其處二家皆沒因以成潭今漑田甚廣

萬歷
舊志

鏡潭

在縣西南十八里青檀山

成化
舊志

越小石門有泉如

綫白石鱗出注石穴名曰洞酌洞酌下有石竇其泉清可

鑑物名曰鏡潭

大滌洞
天記

龍潭

在縣東南二十五里閑林東扇龍門山遇旱禱之

輒應又縣西北齊亨山有天井龍王潭旱禱亦應

嘉靖餘杭縣志

撫掌泉

一名涌泉

在洞霄宮相傳錢武肅王至宮撫掌而泉

湧因以爲名

方輿勝覽

宮內有涌泉其水色卽青黃赤白碧不

定

太平寰宇記

深可三尺許清冷可鑑古詩云却疑三尺底別

是一壺天舊傳吳越錢王至宮有雙鶴飛舞其上因撫掌

招之鶴墮而泉涌或言舊名涌泉漕使陳堯佐因按察至

焉問羽士此何水答曰涌泉昔仙人撫掌而泉涌公于是

撫掌果如其言熙寧初有物狀如鮫鱧遶欄楯間兩目如

丹時人以杖扑之卽墜入泉去須臾陰霧周布一山大水

自天柱源來洶涌可畏將壑殿堂乃止惟捐去廊屋數間

或曰龍之怒也

咸淳志

在宮內龍祠下其泉五色變易不常

每一變則有吉事吳天師觀碣有云水旱不易瑩照軒宇

夏寒而辨沙磔冬溫而育萍藻今環甃以石結亭覆其上

圍以朱欄者宋高宗常酌之也

大滌洞天記

丹泉 在大滌洞泉源最高歷天柱而下隱隱若雷至洞

西百餘步乃出甘冽不竭有方池瀦焉

大清一統志

天宇清

明則有赤光四旁苔蘚時作紫暈東坡詩云一庵閒寄洞

霄宮井有丹砂水常赤故匾丹泉除引供厨齋外一境田

疇咸仰灌溉

大滌洞天記

史槐丹泉詩照澈凡心水一

泓我來不敢濯塵纓下年禾老神龍護半夜

光流野鶴驚林蘗釀成霞漱澗茗馥泛起雪輕盈懸知清

換詩人骨試掬漣漪句已成 呂同老丹泉詩鬢拂檻外

泉遠出天柱陽清音應空谷潛波渙寒塘昔人養靈芝長
年此山旁金骨換玉髓素虬朝紫皇尚餘浴丹地神光透
扶桑蓬萊幾揚塵茲泉日泱泱我願滌世紛朗詠三元章
手持北斗杓下酌流霞漿張雨丹泉詩涵淳萬象一泓
中欲探靈源未易窮丹竇久埋泉眼赤珊瑚長浸石頭紅
評來水味羞楊子收拾砂牀贈葛洪一醉流霞三萬日年
年分給羽人宮

翠蛟泉

在洞霄宮之洞天福地門外以東坡亭下流泉

翠蛟舞之句而名

成化舊志

自門內三池流注入澗撒池上一

二板洶涌若雷變化飛舞山林蔭映作紺碧色宋高宗臨

幸步月立此愛之賜錢造水閣匾曰翠蛟前有坡羅列坐

石游者必登憩焉

大滌洞天記

翠石束寒流捲下空山白玉虬亂壑無

人烟霧集一亭風雨暮生秋鄧牧雪蛟泉詩寒澗豈成
蛟流泉亦非翠色綠映帶得意出飛舞外雖無風霆化自

與江
海會

冷泉 在洞霄宮外半里出路旁石竅間水脈甚細冬夏

不絕瑩然若冰壺之貯沆瀣也山行者掬飲毛骨竦然炎

月投以熱物至晚卽水結

咸淳志

飛瀑泉 瀑泉在洞霄宮憇亭外三十餘步三泉吐溜合

而成瀑

咸淳志

飛瀑泉在青檀山之右飛白如瀑布然

舊志

白元鑑飛瀑泉詩飛瀑下幽壑令人夢寐清秋山匹練淨寒谷萬珠明映日添霞色迎風作雨聲潺湲聽莫厭時

得游幽情

洗藥泉 石室洞門有石梁橫界泉脈涓涓注石梁下引

而瀦之可供千餘人居者賴之相傳郭真君登山採藥常

濯于此謂之洗藥泉

大滌洞天記

陸羽泉 在縣西北三十五里吳山界雙溪路側廣二尺

許深不盈尺大旱不竭味極清冽

嘉靖餘杭縣志

唐陸鴻漸隱居

茗嘗著茶經其地常用此泉烹茶品其名次以爲甘冽清

香中冷惠泉而下此爲競爽云

餘杭縣志

瀑布泉 在縣西北五十里齊亨山自上飛白約千丈餘

如匹練下注龍潭

嘉靖餘杭縣志

子午泉 在縣東南十八里閑林界五朝山巔惟子午二

時發泉其子時泉發有聲若輕雷更異也土人按時汲泉

非時不得

古今圖書集成職方典

龍泉 靈源院在縣東南十二里安樂鄉舊名龍泉咸淳志

龍鼻水 在徑山堆珠峯南成化舊志崖巖巖巖間有湍水瀑

噴若龍鼻中出故名大旱不涸徑山志

佛勝水 在徑山石巖之下有石鐫之號嘉靖餘杭縣志

按徑山志作佛聖水云其水能明目

放生池 在縣東三里安樂山善法院前後晉天福間所

鑿古今圖書集成職方典

獅子池 在縣東南五里獅子山西水色瑩潔蠶月邑人

取以綵絲大清一統志池內有青活巨石以其水綵絲最白

且質重云餘杭縣志

馬監池

在縣南五里上下湖之間舊有牧馬監

嘉靖餘杭縣志

三池

在縣西南十八里洞霄宮

成化舊志

路左二路右一若

品字然唐乾寧年間錢武肅王開鑿由大滌洞前疊石爲

暗溪約里許接天柱流泉緒畜其中澄澈可愛池口復爲

暗溪曲折五六

大滌洞天記

新池 卽洞霄宮厨院方沼源于前池溜于坳堂唐大歷

中縣令李愔所鑿李元卿記云執爨無欲清之僕挈瓶無

及深之勞

咸淳志

白元鑑新池詩何人開碧沼待我照

衰容洗藥餘香在開函古鏡空心開聞細溜波

靜卧喬松欲問桃源路無由見落紅

明月池

在縣西北五十里徑山寺宋紹興間僧妙喜鑿

于明月堂下

古今圖書集成職方典

鉢孟池

在徑山堆珠峯之陰

嘉靖餘杭縣志

洗硯池

在徑山寺蘇東坡常洗硯于此

萬歷舊志

詩玉

書自發春前草舊墨會翻浪裏花開客喜從風月下醉看松影動龍蛇王祖墨池詩東坡作字龍蛇活老去書狂墨時潑政暇尋詩入徑山興到忘歸宿天未石磴扶筇翠滿衣山房洗硯雲生鉢墨池瀉影如見之人去何年聞啼鵙

洗馬池

在縣北十五里仇山麓仇王廟前相傳仇王遺

跡今湮廢

成化舊志

留月池

在縣北六十里慈濟禪寺

嘉靖餘杭縣志

南蕩

在縣南地近南湖宋紹興三年置孳生馬監于餘

杭南蕩諸鄉乾道四年廢南蕩監以田還民

讀史方輿記要

草蕩 凡二一曰天荒蕩亦名黃山草蕩在縣東北二十

里山前界廣八千餘畝一曰仇山草蕩在縣北仇山東廣

二千餘畝

嘉靖餘杭縣志

義井 在縣東二里東隅市人所開大旱不竭能濟一境

之民

成化舊志

又三所一在縣東二里有竒因居民許姓在旁

曰許家井一在縣東三里五顯廟東近河一在縣東三里

有竒沙開西南近河俱坐落東南隅民共汲焉

嘉靖餘杭縣志

柯家井 在香泉坊內父老云錢王鏐所開大旱不竭邑

人柯氏作亭覆之因名

成化舊志

四眼井在縣東南一里錢王

所開有四眼遂以爲名後柯氏覆以亭又名柯家井

嘉靖餘杭

縣志

郭公井 在東南一十八里開林市

成化舊志

潛公井 在丁橋邑人顧尚榮卽四方往來之衝鑿井甃

行旅之竭而名以帥守之姓

咸淳志

在縣西一十里縣令錢

希白定名劉希顏撰記

嘉靖餘杭縣志

劉希顏潛公井

俗尊愛良吏猶有兩都之餘風余承乏三年按行阡陌問百姓所疾苦耆老因爲談閒度時事且曰十餘年間穀熟蠟通吏無妄賦役事不興詔書每下務在蠲徵責已明良之朝其賦我甚厚然未若遺我賢師帥之爲厚也吾閱師帥多矣率病用不足今潛公覃化宣風一以仁義爲本府中不聞疾呼急步田里謚如吾嘗隙嘗試遊都市榜于河

黜然其澄逝于梁鱗然其新登樓而酒賤掬池而泉甘婚于湖隄之上草木潤而魚鳥樂跡其佚民生救民死備民

患者靡不綴密猶有餘力捐以予民吾生于斯老于斯第
聞輸吾聚未有代吾輸者夫困有餘粟機有餘帛然後人
裕於爲善今而後吾子弟其知向方矣乎居無何邑有願
向榮者聚而謀曰丁橋左朝行都右通蜀廣行者重足錯
轍且傳遠日夜川流而環運也每盛夏燥暵無所於醒盍
鑿井以濟焉族之爲浮圖氏普觀又相與謀覆井以亭且
築菴其旁以容憩者既買地鳩材顧工傭不足則相與謁
于庠公曰嘻勞民勸相井象也農之相旅也如是盍勸諸
遁斥緡錢三千以助役既成耆老又告子曰潛公憲父母
我祠而視之相益可請名井曰潛公井令其爲我識之予
應之曰公潤澤若河洵井之云乎哉曰不然井養不窮而
以寒冽爲至善吾恐後之人瞻公之像而未識公之心也
使于是焉觀之以篤不忘吾感
其言遂識之以見公遺澤之厚

天井

在縣西北五十里齊亨山上歲旱禱之輒應

成化舊志

龍井

徑山五峯間初有大湫龍謂國一師曰吾去後此

湫當漲矣留一穴之水慎勿堙之我將時至衛師焉今一

穴見存謂之龍井

蘇詩註引山門事狀

龍井水洗病眼有效

蘇詩古自注

龍湫亦名龍井在寺龍王殿側卽老龍徙居天目奉地爲

欽師立道場處

徑山志

龍神歲率一至至則風雨陰暄慎蒙

游記云其深無旣傳言井泉直通錢塘江

餘杭縣志

蘇軾次韻揚次公

惠徑山龍井水詩漏盡鐘號厭夜行年來小器溢瓶罌棄官縱未歸東海罷郡猶堪作水衙幻色將空眼先暗勝游無礙脚殊輕空煩遠致龍淵水寧復臨池似伯英殿會棠古龍湫詩欲瀝成坪結梵宮一泓清澈與江通神龍應悔施靈窟風雨年來繞碧空

按縣北六十里慈濟禪寺別有龍井與此異見成化志

附識於此

錢王井 在方丈基前錢武肅王所開

徑山志

孔井 在縣東北三十五里孔井山頂乃宋白雲禪師募

孔姓者所開

嘉靖餘杭縣志

閑林埠

錢塘欽賢鄉之西北交餘杭之閑林埠

西谿苑隱志

許棊宿閑林埠詩山禽棲定澗蛙鳴時復鳴巢
雜數聲昨夜酒添春睡重幸無憎愛到天明

明月渡 在縣東二里相傳宋邑令柳耆卿嘗往來吟咏

于此

餘杭縣志